

बाबो आसी आसी आसी | by Nitesh Sharma (Golu)

तेरा सगला काम बना सी
बाबो आसी आसी आसी ,
तनै आय कालजे लगासी
बाबो आसी आसी आसी ।।।।।

मत घबरा रै बावलिया ,
यै वक्त का चालै पहिया
करै काल की चाल या पहरी
बंधी आश पिंजडे में तेरी,
यो पिंजडो खुद खुल जासी,
बाबो आसी आसी आसी ।।।।
तेरा खोल कै पाख उड़ासी
बाबो आसी आसी आसी ।।।।

तेरी खबर बो राखै सारी,
तेरो सांवलसा गिरधारी,
परखै तेरै प्रेम न बाबो,
रख अटल भरोसो भारी ।
ध्यावास तो राख जरासी,
बाबो आसी आसी आसी ।।।।
बिगड़ी बो आय बणासी,
बाबो आसी आसी आसी ।।।।

पीड़ा थारी मेटसी वो बेगो ही,
दयालु बड़ो खाटूवालो श्याम ।।।
किस्मत का ताला बन्द जो
थारा खुलसी,
है कृपालु बड़ो लीलै वालो श्याम ।।।।।

रोवै मत धीर धराज्या,
निष्ठा से कर्म कराज्या,
जीवनरूपी गागर मै,
रस श्याम सुधा को भराज्या ।।
गुणगान ही आडे आसी,
बाबो आसी आसी आसी ।।।
"गोलू" जीवन मुस्कासी,
बाबो आसी आसी आसी ।।।

Lyrics (English)

<https://bhaktivandana.com/lyrics/%e0%a4%ac%e0%a4%be%e0%a4%ac%e0%a5%8b-%e0%a4%86%e0%a4%b8%e0%a5%80-%e0%a4%86%e0%a4%b8%e0%a5%80-%e0%a4%86%e0%a4%b8%e0%a5%80-by-nitesh-sharma-golu/>